

外科正宗
卷五



卷五

癰疽論

卷六時毒論

流注論

鬚疽論

癰疽論

咽喉論

肺癰論

外科正宗

卷五



重訂外科正宗卷之五

瘰癧類第十九

夫瘰癧者有風毒熱毒氣毒之異又有瘰癧筋癰痰癰之殊風毒者外受風寒伏於經絡其患先寒後熱結核浮腫熱毒者天時亢熱暑中三陽或內食膏粱厚味釀結成患色紅微熱結核堅腫氣毒者四時殺厲之氣感冒而成其患耳項胸腋驟成腫塊令人寒熱頭眩項強作痛瘰癧者累累如貫珠連接三五枚此不足寒熱其患得於悞食蟲蟻鼠殘不潔之物又或汗液宿茶陳水混入而食其患先小後大初不覺疼久方知痛筋癰者憂愁思慮暴怒傷肝蓋肝主筋故令筋縮結蓄成核生於項側筋間形如碁子堅硬大小不一或陷或突久則虛癰多生寒熱勞怒則甚痰癰者飲食冷熱不調饑飽喜怒不常多致脾氣不能傳運遂成痰結初起如梅

如李生及遍身久則微紅後必潰破易於收斂凡觀此症別其風毒者散其風除其濕如防風解毒湯之類是也熱毒者清其脾瀉其熱連翹消毒飲之類是也氣毒者調其血和其氣藿香正氣散之類是也癰癤者散其堅和其血散腫潰堅湯之類是也筋癰者清其肝解其鬱柴胡清肝湯之類是也痰癰者豁其痰行其氣葶連二陳湯之類是也又有寡婦尼僧鰥夫庶妾志不得發思不得遂積想在心過傷精力此勞中所得者往往有之最爲難治有此先養心血次開鬱結益腎安神疎肝快膈如歸脾湯益氣養榮湯俱加香附青皮山梔貝母木香之類是也又男人不宜太陽青筋潮熱咳嗽自汗盜汗女人又忌眼內紅絲經閉骨蒸五心煩熱男婦有此後必變爲癰癤難治之症但此體實者初起可服散腫潰堅攻利之藥得効者十中三四有不察虛實盡劑追伐損傷元氣

致成壞病者十有八九此非患者之命自出醫人之手予常治初起成核服前藥未効者用針刺核內深入三四分用冰蟬散一條插入核內糊紙封上待至二七後核子自然落出隨用紅膏搽貼內服補劑不久便愈又常見斑毛牽牛巴霜大黃追風等用往往致其危亡者多矣切宜戒之

瘰癧看法

初起核高腫痛色紅軟活微作寒熱肩項不强者易已成根不堅硬內無小核相叢脾健氣血不衰者易已潰膿稠肉色紅活核腫漸消肩項自便漸斂者順潰後易消易斂氣體平和胸膈寬利飲食知味者順未成形體消瘦寒熱往來結核頑硬痰嗽相兼者險已成核堅連續如珠大小不等項強筋急脉虛者險已潰膿水清稀肌肉消鑠自汗盜汗寒熱不睡者逆潰後陰虛煩躁作渴泄秘男

子骨蒸女人經閉俱逆

瘰癧治法

初起腫痛增寒壯熱四肢拘急項強頭眩者表散之腫硬發熱便利口乾胸膈不利惡心脉實者宣利之膏粱厚味醇酒積熱濕痰凝結而成化痰降火清中憂思過度鬱怒傷肝筋縮結核者宜養血開鬱疎肝房慾勞傷陰虛晡熱自汗咳嗽形消瘦者滋腎健脾失利忘名懷抱鬱結積想在心所如不得遂隔陰陽虛敖歲月所得此者精血俱傷先養正氣次治標病堅而不潰腐而潰之潰而不斂補而斂之皆活法也

瘰癧治驗

一男人項核腫痛拘急惡寒用荊防敗毒散二劑表症悉退餘核不消川散腫潰堅湯加川芎香附貝母十餘服其核漸消外以琥珀

膏貼之月餘而安

一男人仲冬渡江暴發霧氣又值驚恐次日寒熱交作頭面耳項俱腫先以藿香正氣散二服寒熱亦止面腫漸消惟項間堅腫不退紅焮作痛此毒聚必欲作膿仍用正氣散加芎歸皂刺數服候膿熟針之腫痛頓退又以十全大補湯健脾生完口

一婦人孀居六載子幼未立憂鬱成核半年又兼經水不調寒熱交作形體消瘦脉亦弦數此勞傷氣血肝火妄動而成斯疾也所謂損者益之不可用追蝕之藥損而復損先用逍遙散加香附牡丹皮貝母和其血脉疎其肝氣使寒熱盡退次用益氣養榮湯服至月餘氣血漸復經事漸調元氣漸醒外用火針核上點破四孔用黃線藥插入五六次候至孔大換用冰蠅散搽於核上封之至十三日外其核自落外搽玉紅膏生肌收斂內服人參養榮湯加香

附本齊三十餘劑其口自完此婦慎起居回此情戒口味盡調理故可得愈否則必不能矣

一室女年十七因父擇壻未遂耽至二旬懷抱日久項生數核堅硬如石此肝經凝結筋縮之病也又兼經水斷絕寒熱如瘧咳嗽脈數惟不顴紅此陰虛火動已成勞瘵症也非藥能愈視其形狀喜無敗色予曰欲治此病先治其心猶可父問曰何藥治心予曰非藥也易云天地氤氲萬物化醇男女媾精萬物化生此天地男女生成化育之道也斯病獨起於孤陰寡陽不生不化所謂逆理之病此女大失配謂當至而不至漸成失度之疾其病不生而自生非已作也由時變也故藥不能挽回必得陰陽和而雨澤降夫婦和而家道成斯時之後用藥方可彼父始悟隨即擇嫁三月後復請視之前症稍定先用逍遙散加香附青皮山梔丹皮貝母十餘

劑開鬱疎肝寒熱漸止次以人參養榮湯加丹皮紅花通其血脈
使心血易生容顏稍澤又用益氣養榮湯倍參朮培助脾胃增進
飲食間用歸脾湯加麥冬五味遠志沙參收斂神氣寬慰性情又
製參朮地黃膏服至半年精神頓復經事亦通惟核不能全退用
火針點破一核琥珀膏貼之漸腐爲膿又兩月而得收斂餘腫三
核漸針漸潰漸斂首尾純用補脾開鬱藥調理一年始得全愈
一男子年近三十項生數核面白神勞皮蠹脈數此元氣受傷之症
也先當補養氣血待根本壯實後治其瘡隨用養榮健脾藥十餘
劑未効彼以爲緩又信方士所惑圖內消之自服斑貓巴麝之藥
連瀉十數行後致小便淋漓不已虛熱更增飲食減少又復請視
形色內敗不堪調理辭而不治彼後方悔雖請內醫強投扶助降
火之藥終不應而死

一婦壯年性急夫蕩不爲家左項生核半載漸至雞卵大堅硬如石
皮外紅絲纏繞左右脉俱弦數弦屬肝火妄動數乃脾熱之甚先
用梔子清肝湯平伐肝木五服後而脉始平又以清肝解鬱湯數
服散其鬱結次用益氣養榮湯調其氣血間服散腫潰堅湯軟其
堅腫外以琥珀膏貼之調理百日而元氣乃復堅硬已消八九止
存小核未盡彼以爲愈止不服藥後又一載值夫賭訟未勝暴急
驚恐前腫復作兩手脉診細而多數此陰血虧損陽火乘之非前
有餘症也又兼胸膈不利飲食無味經水先期過多形容憔悴不
澤此神傷於思慮則肉脫意傷於憂愁則肢廢魂傷於悲哀則筋
攣魄傷於喜樂則皮稿志傷於暴怒則腰脊不能俯仰以上俱七
情內損症也法當滋養氣血調和脾胃益腎清心開鬱散滯庶保
無虞彼不肯信仍前欲服散腫潰堅之藥欲灸腫上圖內消之予

曰此非前此今則不敢治也請交醫自製前藥亦久愈上併灸肘
尖此為直氣虛而益虛邪氣實而益實後果反加發熱自汗
項強四肢不收灸瘡無膿血水不絕腫亦熾盛此臟腑已損之候
必不久居也又曰後傳為氣急聲啞痰血交出而歿予嘗見庸醫
不辨虛實患者不信正理偏費服藥往往多致不救者十有九
醫者患者俱當省

瘰癧主治

防風解毒湯

防風解毒湯荆芥
枳殼芍藥木

牛子連翹草石膏
知母燈心共莫迷

治風毒瘰癧瘰癧者不調勞傷痰襲多致手足少陽分耳項結腫或
外寒內熱痰氣滯者並効

防風

荆芥

桔梗

牛蒡子

連翹

甘草

石膏

薄荷

枳殼

川芎

蒼朮

知母

各一錢

水二鍾燈心三十根煎八分食後服

連翹消毒飲

連翹消毒飲陳皮
梔子葛粉干花粉等

甘桔元參各芍歸
紅花還與大黃隨

治熱毒瘰癧過食灸燂醇酒膏粱以致蘊熱腮項成核或天行

熱濕痰作腫不能轉側者効

連翹

陳皮

桔梗

元參

黃芩

赤芍

當歸

山梔

葛根

射干

花粉

紅花各一錢

甘草

大黃

初起便燥者加之

水二鍾煎八分食後服有痰者加竹茹一錢

加味藿香散

加味藿香散甘桔
木香白芷厚朴片

青陳柴蘇半夏及
夏枯草効君當說

治氣毒瘰癧外受風邪內傷氣鬱以致頸項作腫肩膊強痛四肢

不舒寒熱如瘡及胸膈不利

藿香

甘草

桔梗

青皮

陳皮

柴胡



紫蘇

半夏

白朮

茯苓

白芷

厚朴

川芎

香附

夏枯草

各等分

薑三片棗二枚水二鍾煎八分食遠服

滋榮散堅湯

滋榮散堅四物湯
陳木升麻香附貝

甘桔參苓海粉當
紅花昆布共煎嘗

治一切瘰癧憂抑所傷氣血不足形體瘦弱潮熱咳嗽堅硬腫痛

無分新久但未穿潰者並効

川芎

當歸

白芍

熟地

陳皮

茯苓

桔梗

白朮

香附

各一錢

甘草

海粉

貝母

人參

昆布

各五

升麻

紅花

各三

水二鍾薑三片棗二枚煎八分食遠服身熱加柴胡黃芩目汗盜

汗去升麻倍入參黃芪飲食無味加藿香砂仁食而不化加山查

麥芽胸膈痞悶加澤瀉木香咳嗽痰氣不清加杏仁麥冬口乾作



渴加知母五味子睡臥不寧加黃柏遠志棗仁驚悸健忘加茯神
石菖蒲有汗惡寒加薄荷半夏無汗惡寒加茅朮藿香女人經事
不調加元胡索牡丹皮腹脹不寬加厚朴大腹皮

益氣養榮湯

益氣養榮湯 芍藥 甘草 兼熟地

參苓陳貝附歸宜 勞傷瘰癧大堪題

治抑鬱或勞傷氣血或四肢頸項筋縮結成累索如貫珠者謂之
筋癰此患皆由思慮太過神氣受傷乃勞中所得者也其患或軟
或硬或赤不赤或痛不痛或日晡發熱或潰而不斂者是

人參

茯苓

陳皮

貝母

香附

當歸

川芎

黃芪

熟地

白芍

甘草

桔梗各五

白朮

錢二

薑三片棗二枚水二鍾煎八分食遠服

如胸膈痞悶加枳殼木香



飲食不甘暫加厚朴蒼朮

往來寒熱加柴胡地骨皮

膿潰作渴倍參芪歸朮

膿多或清倍當歸川芎

脇下痛或痞加青皮木香

肌肉生遲加白斂肉桂

痰多加半夏橘紅

口乾加麥門冬五味子

發熱加柴胡黃芩

渴不止加知母赤小豆

膿不止倍加人參黃芪當歸

潰後反痛加熟附子沉香



南京中醫藥大學圖書館藏

虛煩不睡者倍人參熟地遠志棗仁

芩連二陳湯

芩連二陳湯半夏
牛子木香兼甘桔

枯草連翹花粉苓
消痰散核効神靈

治痰瘰生於少陽部分項側結核外皮漫腫色紅微熱或至

高骨上下發腫形長堅硬作痛名曰馬刀初起並宜服此

弱者不宜

黃芩

黃連

陳皮

茯苓

半夏

甘草

桔梗

連翹

牛蒡子

花粉各一錢

木香三錢

夏枯草二錢

薑三片水二鍾煎八分食後服渣再煎臨睡服

散腫潰堅湯

散腫潰堅湯
知翹連栢三稜木

升柴胡草葛根隨
是在自花粉莫遺

治瘰癧馬刀瘡堅硬如石或在耳下或至缺盆或在肩或至脇

下皆手足少陽經症又發於下頰或至頰車堅而不潰或已破流

膿又屬足陽明症也此治有餘症而効多不足症而効少



黃芩分八

白芍

當歸

龍膽草

桔梗

知母

黃柏炒酒

昆布

花粉各五

連翹

葛根

炙甘草

黃連

三稜炒酒拌

木香各二

柴胡分四

升麻

水二鍾煎八分食後服臨服入酒一小杯亦効此藥可為未

為九桐子大每服八十丸即散腫潰堅丸治症同前臨嚼食後

白滾湯下

升麻散堅湯

升麻散堅湯甘草葛根龍膽草等

莖木三稜陳桔連

治癰癰遠頸或至頰車屬足陽明移深遠陷隱曲肉底又屬足少

陰俱作腫塊堅硬大小不一

升麻

甘草

莖木

三稜

陳皮

桔梗

黃連

龍膽草

葛根

川芎

白芍

夏枯草

連翹

黃芩

當歸各五

花粉有痰